

重刊總校官侍郎臣秦鳴雷

學士臣王夫性

分校官編修臣張四維

書寫儒士臣毛國光

圈點監生臣傅道立

臣許汝孝

永樂大典卷之一萬四千六百二十五 六暮

部

吏部十二

吏部條法奏辟門 奏辟門撮要 應吏部員闕不許舉辟雖降到特旨

本部執奏不行其應舉辟謂元非吏部闕而未錄到出身文字雖降特旨

准此 應被奏差未注而元奏官替移者不差即川廣同銜奏辟而無違

礙合該差注偶元奏官替移但有壹員在任者聽差 應停替未滿壹任

雖不拘常制不得舉辟 應八路權注先闕舉辟官同勘當應差者所權

月日聽理為任舉主仍許收使其不應注辟雖已成資並不理任 應初

官不曾銓試中雖不拘常制不得舉辟差遣 應監司係貳員以上處而

本司應舉辟者並連書或關牒就壹處奏舉 應舉辟闕先取願狀已供

願狀者不許退免其已被舉辟而未滿任者不得別舉辟即舉繁難清要

或緣遣任使者奏裁已係繁難及緣遣者非 應堂闕不許申辟 應進

納出身人不許舉辟謂奏舉奏辟差遣 若曾請舉許辟監當應親戚於法

應避者不許舉辟 應縣久不治或繁難當選差縣令者聽監司或知州

應避者不許舉辟 應縣久不治或繁難當選差縣令者聽監司或知州

奏差應辟闕。須管於見任去替半年前其中。不許預期辟差下次人。應
遇辟文字並須錄本人補授轉官告劄歷任批書印紙壹宗并夾細家狀
連粘縫印法官點對繳中如止連家狀不行抄錄出身以來文字更不收
接。應諸處中辟差遣不該已經劄報不許仍前復以前闕再行辟上
應部闕中除元係辟闕外其京裏四川兩淮極邊及二廣惡弱去處遇闕
官許令選辟餘不許申辟。應監當資序不許舉辟權親民今任正監當
虧欠曾該責罰雖已替罷不許舉課到場務已授縣令見在任錄事司理
司法參軍不許舉充監當。凡經論列不得親民差遣人不許辟鹽司監
當。辟差格例。初官未有考任及歷任未成資而辟差遣。資格未及
而輒超辟闕次。奏補未銓中人亦敢妄行申辟。不問賊私被論後未
經部注差遣往作無過人中辟。恩科出身輒辟獄官年及冒辟縣令
宗室添差闕而辟庶姓。見任人到任未久預辟下次。進納得官及不
係試中材武人而辟巡檢知縣須入未滿辟通判與帥機。有犯未得赦
行參注及不得與親民差遣。進納特科人不許辟縣尉。不係四川二
廣兩淮京湖沿江州郡極邊去處而辟部闕元指揮止許選辟壹次而辟
次任。不許申辟。衡堂差部注已差下人。監司郡守離任而辟官。軍

功人不應元指揮。輒求佗辟。不許監司守臣辟親屬為所部屬官。不許以辟衝填見闕。却令已差下人改替。或別行注授武臣。無令狀三紙。不許辟令納粟人雖有舉主。亦不許辟鹽場官知縣。徽官並不許作隨司解任申辟。停廢或責降差遣。若停替未滿壹任人。以上貳拾項並不許辟差。四川二廣如係無人注授初任部闕及辟闕並許以初官申辟。淮北州軍不以資格許初官申辟。四川已經須入兩考者亦許正辟。為倅。如係四川二廣兩淮京湖沿江極邊去處許辟無人注授部闕亦須見任人去滿替在半年內。前項許辟部闕去處並要所辟人歷任成資。後方許申辟。兩浙江東江西福建除辟闕許辟外。或有曾經盜賊去處。及委無人注授部闕許監司以應入資格人申辟。軍功補授未參部人許辟極邊巡尉監當指使。謂有制司背批離軍公據及曾經辟差者。已上柒項並許申辟。應諸處秦辟差遣除前項聲說外。餘依本法。

秦辟門定差附

尚書侍郎左右選通用勅。諸四川秦辟闕內有不該差注而不即附籍押官及申省違限者杖壹佰。尚書侍郎左右選通用令。諸秦辟官並開坐見行許辟差條法指揮保。

明指定無衝改聽中奏。諸吏部員闕不許舉辟。雖降到特旨許本部執奏不行。其應舉辟指元非吏部闕而未錄到出身文字者。雖降特旨準此。仍候入限聽依本邑官奏舉。諸辟差官。須候授朝廷付身訖方許上任。其緊切職任。不可時暫闕官者。聽先主管職事。諸四川申到奏辟闕內有不該差注者。即時附籍押官限壹日具申都省。候得指揮聽本部出闕許本貫四川。或係內地。而名籍見在四川。及前任四川差遣。雖已參轉運司。本路及他路同見理名次。而因事到闕無違礙人參部注授臺季。無人願就者。並還本處奏辟。諸邕欽廉州見闕官處已注授者。雖不拘常制不得奏差。諸被奏差未注。而元奏官替移者不差。即川廣同銜奏辟而無違礙。合該差注。偶元奏官替移。但有壹員在任者聽差。諸停替未滿壹任。雖不拘常制。不得舉辟。諸邊防河事官屬。並不得奏辟停替。未應入本等差遣。及事故違礙人充。諸成都府利州等路茶場監官闕。許都大提舉茶馬司選擇奏辟差注。諸武岡軍安寧知縣。許荆湖南路安撫司。於文武臣內選擇奏辟差注。諸四川奏辟內不該闕。如有四川因事到闕人參部注授擬定日。即將本路轉運司。仍追准奏官赴部當官收領。即時入遞。

尚書侍郎左右選考功通用令 諸八路權注見闕舉辟官同。勘當應差者。所權月日聽理為任。舉主仍許收使。其不應注辟。雖已成資。並不理任。尚書侍郎左選通用令 諸初官不曾銓試中。雖不拘常制。不得舉辟差道。

尚書右選令 諸南平軍播川知城兼本城兵馬都監闕聽。愛州路諸司公共選擇奏差。

侍郎左選令 諸合同茶場簿尉兼者。許都大提舉茶馬司不拘常制。選擇奏辟差注。諸舉辟或朝廷差注。合理任人。謂如傳買木植掌機宜之類。如合移注職官知縣縣令。願改正官序者。與就注通理。年月滿替。諸司理司法參軍。兼官同縣尉不職。弛慢怯懦。奏劾對換者。其被奏人已成資。即放離任。若舉辟填見闕。須經使未注人方與移注。

尚書侍郎右選通用令 諸緣邊城寨武臣闕。應奏辟者。舉大小使臣歷任有舉主。無過犯。應材武人充。諸奏差人未經判成者。隨事會問。所屬無違礙。乃注。不應格者。報元秦官司。諸廣南差遣。應先轉官。而到任未成資者。不得別有奏舉。若未滿願。奏舉一般差遣。即通任及貳年。方許別理考任。酬獎理注。日依本法。諸黎文州買馬監押闕。許都大提舉茶馬

司選擇有才幹諳曉蠻情人奏差。諸郴州南安軍都巡檢使兼宜城峽陵兩鄉煙火盜賊公事關防及壹季無人願就下荆湖南路帥憲司於大小使臣內選經任無過犯諸曉民事人銓量奏辟聽先次赴上諸見任及前宰相執政官任使相之類得旨依執改例者同合破隨行使臣雖初任人並許辟差任滿乞留再任者聽。

侍郎右選令諸三路廣南西路指使並經略安撫司奏差仍參分以貳分依名次撥聽候差使若不足者許指名奏差諸欽廉州沿海巡檢兵馬監押員闕並聽廣西經略安撫司踏逐奏差諸被奏差不以遠近聽注仍免短使非急達差遣不免重舉綱運諸奏舉小使臣監當差遣歷任無舉主者與理舉狀為舉主諸押隊應保奏再任者須去替半年前保奏若近地去替壹季遠地至任滿日奏狀不到部者聽本部使闕其注官後奏到者不在行仗之限諸親王府下班祇應轉進武校尉後願奏留者聽不得過叁年諸小使臣校尉初任不許舉辟踏逐指差同即已經任每因舉辟得替者並赴部注授任滿再聽舉辟以上雖不拘常制及官司請到特旨免執奏留並奏知不行見任及前任宰相并使相依執改例合破本府使臣指使之類不用此令諸小使臣校尉未曾參部不

許官司差權職任并時暫幹辦雖奉持旨及不拘常制踏逐抽差並執奏不行淳祐令諸監司係貳員以上處而本司應舉辟官者並連書或關牒就壹處奏舉諸闕員應舉官者見任人替前壹年內非次闕承報後陸拾日則除後置闕始日依本邑奏舉內見闕無差下人方許舉辟即雖舉而礙法及因闕報差誤致所舉不應法而退回者準上法再舉過滿及見闕止限參拾日仍除程計之無官可舉者申尚書吏部難為吏部差填至任滿其舉官仍舊諸命官曾犯贓私罪或無人薦舉或應直注或已授差遣或未經壹任若承直郎以下歷任未及貳考或前任在京監當未帳未畢或見任開封祥符縣丞正監課利場務比祖額虧欠監鑄錢監河埽使臣或已授緣邊縣令在京見闕及見任倉庫小使臣校尉未曾參部或未經短使或得替應入重難綱運草場承直郎以下到任貳年以上將來得替或已得替各不應免試或已就免試注殘零闕者各不在舉辟之限諸舉辟者先取願狀已供願狀者不許退免其已被舉辟而未滿任者不得別舉辟即舉繁難清要或緣邊任使者奏裁已係繁難及緣邊者非諸應奏辟官者不許辟通判及權陞職任并銜移已差注替人及半半者在之官限外不合赴上者非寄祿官朝議大夫以下仍替成資闕

諸命官任有賞處不得奏舉再任。即緣邊及遠惡或繁難者不用此令。諸所部官有過及不職奏罷其闕非應奏舉者不許舉填。諸監當資序不許舉辟權親民。今任正監當虧欠曾該責罰雖已替罷不許舉課利場務已授縣令及見在任錄事司理司法參軍不許舉充監當。諸提點刑獄司緝捕盜賊若見闕及過滿如經臺季別無朝廷并吏部闕報已差人即許本司舉辟。諸縣又不治或繁難當選差縣令者聽監司或知州奏差諸承直郎以下於法不應磨勘改官者雖不拘常制不得舉辟有酬賞改官處。諸承直郎以下初磨勘改官人知縣人非緣邊軍興雖不拘常制不得舉辟別差遣其奏舉從事郎以上用改官舉職人從事郎以上者同知縣請奏舉充從事郎以上而應注知縣者縣令準此未移注願止依本貫守就舉辟者聽諸進納出身人不許舉辟。聞奏舉奏辟差遣餘條稱舉辟準此其係承直郎以下成肆考者許薦舉即派外出身人歷任無賊私罪有舉者貳人聽舉辟。諸親戚於法應避者不許舉辟。尚書右選侍郎左右選通用格隨行使臣通差大小使臣選人校尉尉見任宰相三公三少使相同謂得替休宰相恩數者壹拾貳人。前宰相捌人。見任執政官西府同謂得替依執政恩數者壹拾人。前執政

官陸人

尚書侍郎右選通用格 管幹葬事使臣 前宰相 肆人 前執政官

參人

尚書侍郎左右選通用申明 紹興十七年十二月六日樞密院劄子勘
會廣南西路奏舉緣違窠闕奉 聖旨除犯人己賊并付身不圓本貫州
進納出身元發奏官替移已經本路兩次奏辟人吏非泛補授出職吏人
不差緣違城寨官奏狀前不曾連到家狀脚色錄白付身不差外餘並差
注內合呈試人權令舉辟官司呈試候到部日依條呈試施行 慶元元
年十月四日 初吏部狀廣東經略安撫提刑轉運提舉司奏契勘本路
管下知縣縣令內有欠闕正官去處緣拘銓法無本等人指射盡降指揮
許監司奏辟壹次上件窠闕多有水上惡弱去處所奏辟人到任近不及
數月遠未及數月已有事故依舊無人注授即與不曾奏辟一同欲今後
遇有奏辟知縣縣令欠無正官窠闕如到任在貳年內事故不問已未祇
授付身乞再令逐司公共奏辟壹次更不申明本部今指定欲從逐司所
乞事理施行奉 聖旨依本所看詳上件指揮為廣東奏辟知縣縣令到
任未久事故依舊無人願就即與不曾奏辟一同故降前項指揮許再辟

宣次今聲說存留照用。嘉泰四年二月二十日。勅吏部勘當二廣諸
 縣壹年無正官注授者。令吏部四選通差。或四選中。又滿壹季無人注授
 者。令監司帥守審度文武中廉勤慈惠者。奏辟充填。然後考覈。誠否嚴加
 黜陟。奉 聖旨依。慶元六年十月十七日。樞密院劄子。樞密院奏。四川
 安撫制置司中。四路緣邊州軍城寨官。窠闕已下。四路轉運司。今後須審
 量人材。委實堪任。邊面方許照資格差注。如到任於邊面不職。換授邊漏
 引惹蕃部作過。乞令元差注官司任責。雖已去官。遇赦不與原免。四路緣
 邊知縣。縣令有運司定差。窠闕有提刑安撫轉運司辟差去處。今後頂管
 選材差辟。若所差不職。元差注官亦不以去官赦原奉 聖旨依。嘉泰
 三年八月十六日。都省劄子。檢會嘉泰三年八月十二日奉 聖旨。四川
 茶馬司累年綱馬全不及格。尺積弊既深。宜有更革。自今後都大茶馬官
 文武臣各差壹員。三省樞密院條具合行事件。一屬官元有幹辦公事。肆
 員川司。卷廳兩員。秦司。宕昌各壹員。每遇闕官。許照應元降指揮。不拘常
 格。奏辟外更有準備差遣壹員。近來多不差辟。如遇職事繁劇。同行奏辟
 奉 聖旨依。嘉泰三年九月十二日。都省劄子。武略郎右武衛中郎將
 新除都大提舉四川第路買馬監牧公事彭輅。劄子中稟事件數內。一照

得茶馬既分兩司。而馬司所部諸州買馬去處全藉官屬協力辦集。今未
馬司既於興元置司。亦合將幹辦公事貳員分撥兩處。內壹員從舊於宜
昌主管簽廳措置。互市買馬壹員合於興元府本司簽廳照得江上諸軍
合取川馬。係在成都府團併排發。今合依秦司舊來條例置發廳官壹員
於成都府欲將見在秦司壹員權往成都府主管簽廳。其準備差遣壹員
許輅專行奏辟。於本司簽廳裨贊職事。今未所乞辟差官屬許輅於見任
寄居待闕文武官內不以有無拘礙選擇廉能強幹諳熟馬政之人奉
聖旨依嘉泰元年七月二十六日勅臣僚奏仰惟國家法令所宜
遵守或創例破法豈可不參酌而訂正之初官不許辟差具有成法近有
未經任人奏辟而得之況其間有場務合注曾經課利增羨人若例皆許
辟初官則未諳練經歷者皆求辟闕矣欲望令吏部措置革絕施行奉
聖旨依令三省樞密院吏部常切遵守

尚書左選申明淳熙十六年十一月二十七日勅臣僚上言廣西郡
守諸司拘私奏辟欲望特降廉旨今後廣西州郡下政未嘗差人處令
吏部先壹年謄示如已破格亦須壹季無人願就方許行下本處依公奏
辟壹次奉聖旨依

尚書侍郎右選通用申明。紹興二十九年七月十二日。樞密院奏馬軍
司中。本司舊管準備差遣差使。使喚使目。係本司踏逐。已未經任。有心力
人。近因吏部引用辟差條法。須要有舉主經任人。欲從本司踏逐。無過犯
已未經任人。申朝廷取索付身照驗差撥。奉聖旨依。淳熙六年四月
四日。勅。吏部狀照得四川運司。係代吏部參選注授。今欲乞四川合呈
試參司人。赴制置使司差官監試。內呈試第貳第叁等。弓力人添試。斷案
壹場。就銓試院收試。候中方許參司注授。所有二廣願就定辟差人。權令
赴本路安撫司呈試。其試中止。許就本路定辟窠闕。若將來因事到部。或
移籍前來之人。即依本部見行條法。別行收試。候試中方許參部注授。本
部窠闕。奉聖旨依。淳熙七年七月十一日。勅。今後蜀中緣邊寨堡。
並仰正行奏辟。雖元奏辟官替移。並令終任。不得差官權攝。如違依條將
請給計贓施行。淳熙八年九月三日。樞密院劄子。四川安撫制置司奏。
奉聖旨。四川制置司辟差闕內。留貳拾闕。令本司依格辟差。仍先次開具
存留窠闕。奏聞。奉聖旨依。成都府路嘉定府中鎮知寨。威州春祺知城。
嘉會知寨。通化軍監押茂州牛溪鎮。北隘難宗關。知堡鎮。羌知寨。鎮羌寨。
監押。潼川府路瀘州納溪知寨。樂共城監押。尤支知寨。安溪知寨。安溪寨。

監押安遠寨守把江門知寨長寧軍石笋堡巡檢叙州橫法寨司守把利
州路階州武平知寨平定關使龍州乾坡知寨淳熙十年二月十七日
初四川茶馬司狀西和州宕昌知寨兵馬監押舊州兵馬監押朱川閬川
荔川知寨鐸龍橋巡檢階州峯鐵砦知寨兵馬都監共玖關並係西馬來
路委於本司職事利害若非特降指揮從本司同轉運司選官辟差竊
慮不得其人。有誤馬政奉聖旨特依嘉泰四年九月二十一日樞密
院劄子四川安撫制置司奏龍州漁溪濁水兩處寨官今以兩巡檢兼知
兩寨非惟責任不專緩急難以倚仗龍州見管指使兩人別無職事今權
行住罷却從本司選擇諳曉材武堪任邊寨貳人專充濁水漁溪兩寨官
仍申朝廷乞降付身其巡檢貳人依舊令運司專注奉聖旨依淳熙
七年六月十八日樞密院劄子奉聖旨廣西湖南北安撫司應舉辟差
遣合申樞密院銓量內安撫司水軍統領都巡檢使提舉左右江兵馬盜
賊公事知縣安撫司準備將領委自本路帥臣依公奏辟隨所辟文狀令
親身齎付身赴樞密院銓量依條施行其餘辟差人止繳連錄白付身申
樞密院驗實照應已降指揮施行淳熙九年十二月十二日樞密院劄
子奉聖旨宜州管下環州兵馬監押兼巡捉私茶鹽礬兼知恩恩縣事

宜州管界緣邊都巡檢。兼照管融州溪洞賊盜公事。宜州都巡檢使提舉諸堡寨賊盜公事。高峯寨駐劄廣南西路經略安撫司。準備將領貳員。壹員鎮寧寨駐劄。壹員思立寨駐劄。伍嗣令本路安撫提刑轉運三司。照應見行辟差條法指揮。公共選擇人材。聯銜奏辟。免親身赴樞密院銓量。紹熙元年四月二十九日。勅。今後諸州軍兵馬都監獨員處。專注應材。武次曾任主兵官人。合差貳員以上。及都監押共差貳員以上處。並照去替年月通融注授。壹員應材武次曾任主兵官人。遇有材闕人。本部關會照應差注。其餘員數。並依舊法注擬。如同日指射。即先差應材武次曾任主兵官人。

尚書考功申明。慶元三年十月九日。勅。臨安府奏。輦轂之下。彈壓之政。拜盜為先。警捕得人。市偷屏迹。居民安堵。紹興三年守臣梁汝嘉。乞增緝捕使臣為拾員。五年指揮理為合入資任。乾道間少尹沈夏之請。增至拾貳員。理為資任。任滿比較。如本地分內全無盜賊。與減貳年磨勘。如有盜賊。將所獲件數比折所獲數多。與減壹年磨勘。未獲數多。即展壹年磨勘。若事涉重害。從本府別行申奏賞罰。欲望今後許令本府不以有無拘礙。於大小使臣校尉內。踏逐選擇。果可倚仗之人。具申朝廷。指差理為。

資任。任滿比較賞罰立為定制。奉 聖旨依。

侍郎左選申明 嘉定元年十月三日 勅吏部勘當成都運判錢文子

狀。本司所管成都府錢引務抄紙場監官職事繁劇弊倖實費闊防。乞將
監官竅闕注奏舉關陞經任有舉主人仍不注初官及恩科并年陸拾以
上人破格注授如見任人去替半年無人注授從本司照格法選辟。奉

聖旨依。

尚書左選申明 嘉定三年正月九日 勅臣僚奏令諸路帥臣監司如

作邑未滿者不許奏辟。奉 聖旨依。嘉定三年四月二十日尚書省劄

子臣僚奏改官人受辟候任回須管依舊作縣。奉 聖旨依。

尚書侍郎右選通用申明 嘉定三年十一月空日尚書省批狀下四川

監司帥臣應沿邊知縣有四選通差去處非武舉出身不許注授及破格

奏辟。

尚書左右選通用申明 嘉定五年八月空日 勅令三衙諸軍帥今後

書寫機宜文字止許辟子孫弟姪不得奏辟異姓制置安撫司有合辟去

處亦一體施行。

侍郎右選申明 嘉定五年八月二十一日樞密院劄子吏部措置小使

臣校尉有堂除辟差。元係初官。未曾經任諸州軍。不得放令交割。輒敢賈緣請批脫漏放。行赴土。將來在任月日。並不理為任程考任。請遇請給計。賊追納。坐以違制之罪。其有雖曾經任。元不曾呈試中選。及軍頭司御輦院。御廚儀鸞司。修內司。翰林司。祇候庫。內軍器庫。御酒庫。萬壽觀等處。及諸司差遣。如係初出官。未曾經任。不曾呈試中人一體施行。奉 聖旨依尚書右選侍郎左右選通用申明。嘉定五年十月六日初。行在贍軍諸酒庫雙員監當。自今後並以文武對差。內堂除闕。仍舊堂差。部闕令吏部差注派內文臣。其滿封庫內壹員。令點檢所奏辟派內文臣。尚書侍郎左選通用申明。嘉定八年二月二十五日。勅成都潼川府夔州利州路安撫制置使董居誼奏。四蜀沿邊諸縣闕人。無官願就。欲令逐路運司。遴選待班人內有材幹精力人。姓若保。明本司審量。委堪任。使秦差就權理作改官。須入而磨勘轉官。仍自受告日起理。不許諸司旁緣奏辟。奉 聖旨。令四川制司。將沿邊縣闕。於見待班人內選辟壹次。候班次到日。與換給付身。却自改官後起理。須入知縣月日。尚書侍郎左右選通用申明。嘉定九年十一月二日。尚書省劄子。臣僚上言。極邊要地。正藉才能。辟之可也。繁難惡弱。久闕正員。辟之可也。今也